

The Ohio State University



3 2435 01724 7818

DR590S851926

001

Imana tasallut :

سیمان نظیف

THE OHIO STATE UNIVERSITY BOOK DEPOSITORY



D AISLE SECT SHLF SIDE POS ITEM C  
8 08 22 14 7 01 014 4

# ایمانہ تسلیط

( شایقا مسئلہ سی )

DR590

S85

1926

استانبول ، ناشری : معارف کتب خانہ سی

۱۳۴۱



OHIO STATE  
UNIVERSITY  
LIBRARIES



سليمان نظيف

---

# ایمانہ تہذیب

( شایقا مسئلہ سی )

۱۳۴۲

استانبول مطبعہ تکفور




DR590

S85

1926



## افادە مخصوصە

بوصحيفه لر (صوك تلغراف) غزته سيله انتشار ايدر كن ، (سرپوش  
ملى) نام مسروقيله باشمزه مسلط اولان فسك يرينه شاپقانك اقامه  
ايدلمه سي حقنده نه برقرار رسمى اصدار، نه برتمایل خصوصى اظهار ايدلمشدى .  
شئونك خطوات قاهره سنه دينك احكامنى بغير حق وبلا سبب چيكنه تمك  
ايسته مه ين برساله نك دوروب دورور كن ميدانه آتيلماسى دينى بيلن  
وسه ون هر مسلمى مغبر ايتمشدى . رساله صاحبك صوك جوابنى نشر ايتمك  
ايسته  (صوك تلغراف) صاحبلى محكمه نك حكم ايتدىكى  
يوز ليرا تضمنات معنويه ي رساله صاحبنه تأديه اتمكه منفعت  
عموميه ي كندى ضررينه وقايه ايتدى . غزته لرك پریشان نسخهلرى  
آراسنده بوسبوتون ضايع اولماق ايچون شوتارنخى مباحثه علميه ي كتاب  
شكلنده نشر ايتمكى مناسب كوردك .

• تشرین ثانی ۱۹۲۵



يكي انتشار ايدن بر رساله ته كوره ، محرري درسعام افندي ايله كندی  
قيافتنده كي خواجه افنديلردن باشقه ، هر مؤمن ، هيمنز - حاشا ثم حاشا -  
كافر مشيز . هييج بر قازما ، دين اسلامه بو رساله يي يازان خاسر قلمدن دها  
درين بر هزار قازاماز . هيئت مجموعه سنك ذهنلرده براقق ايسته ديكي فكر  
وقناعت شودر :

بز دينزه قلبمرك تصديقيه لسانمرك اقرارى قادار ، فسلرمرك صاريفى  
وپوسكولى ايله ده مربوطز . العياذ بالله .

اوائل اسلامده فقها ، رهبردين وناظم جمعيت ايديلر . صوكر ايتيشنلر  
فقهى كندی فكرلرينه ، كندی ذوقلرينه ، و... كندی منفعتلرينه خادم و متحكم  
بر آلت درك سینه اينديرديلر . فتوالر ، طالبلك خاطريله نفوذينه وويريله جك  
پارانك مقدارينه كوره ترتيب و اعطا ايديليردى . آ كلامادن ، ديكله مەدن  
امضالانان فتوالر نه قادار بيكناھك اسمنى زير و عمرو ه تحويل ايله قفالرينى  
اوچورمش ، نه قادار معصوم او جاقلر سوندور مشدر ! .. متفقہ كچين صنف  
اسلاميتك حريم عصمت و حرينده پاپاسلر ككندن دها مزعج و مسلط بر  
مؤسسۀ روحانيه وجوده كتيردى . او قادار كه ، بن بيله بوكون اصولدن  
استنباط احكام ايتكه علمم كافي اولسه ، بيك ايكي يوز سنه لك امام مذهب اولان  
ابو حنيفه يي آرادن حرمتله چيقارارق ، پيغمبرم واللهم له يالكز قالا جهم .

فقه صوفتالغه استحال ايتدكدن صوكر ا ، هر تجدد و ترقى اونلرى  
اوركودويور ، قورقودويور ، باغيردييوردى . جمعيت بشريه نك طبقات  
متمدنہ سى آراسنده صف نعالى بيله اشغال ايدمه يه جك بر دركه يه دوشوشمرك  
سببى ، تعصبى دينه تسليط ايدن آداملردر . مفسرلر ، كلام الله دن اللهك قصد



و مراد ایتمه مش اولدیفی معنای چیقاردیلر . و محدثلر پیغمبرك سـویلدیکی  
و سویله میه جکی بیکلرجه حدیثی او بنی حکیم و معصومه اسناد ایتدیلر .  
کتاب فتاری اسلامه پابند ترقی سطرلرله ملامالدر .

کری قالیشمزك سببی ، شیخ الاسلامی مرکز ایدینمش اولان تشکیلاتك  
منسوبلری بولندیغنی تکرار ایدرم . ایشته خواجه لردن باشقاهر کسك بیلدیکی  
بر مثال و دلیل :

طباعت ، اونونجی عصر هجریده ایجاد ایدلمشدی . صوفتالار لا یحوز ! ..  
فتواسنی بواختراع اقدسك جبهه سنه ، برلعت تمغاسی کبی ، در حال یاپشدیردیلر .  
طباعت ، اونلرجه کلام الله و علوم اسلامییه حرمتسزلك ایمش . بوبله اولماسه  
بیله برعت در . چونکه رسول اللهك زماننده موجود دکلدی . و برعت میته  
در . چونکه فرنکر ایجاد ایتدی . کیم مطبعه جیلوق ایدر و کیتابی باصدریرسه  
کافر در . . ایشته خواجه لرك صغری و کبراسندن چیقان نتیجه فاسده ! ..  
بوقیاس غیر عقلی ، سلیمان قانونی زمانندن احمد ثالث دورینه قادار ، ایکی عصر  
طباعتی کفر عد و مملکت مزه ادخال و تطبیق ایدلمه سنی منع ایتدی . احمد ثالث  
دورنده برجلادت متجددانه کوستریله رك ، بر قاچ کتاب طبع ایدلمشدی .  
بو سفرده پاترونا خلیلک آرناود فستان و کلاهیه عقد مخادنت و اتفاق ایدن  
جبه و دستار ، استانبولده موجود ویکانه مطبعه یی تارمار ایتدی . قوجه راغب  
پاشا صدراعظم اولونجایه قادار ، تام یکریمی بش سنه ، طباعت ، قتل و سرقتدن  
اشد بر کفر کبی تلقی و ترک ایدلمشدی . کندی دماغی ، زماننده کی علمانك  
ققاسندن پك چوق معمور و منور اولان قوجا صدراعظم مطبعه یی یکیدن تأسیس  
ایتدی . فقط ایش ایشن کچمشدی . چونکه ارمنیلرله روملرك بزمکنندن  
ایکی یوز سنه اول تأسیس ایتمش مطبعه لری واردی . ایشته بوندن ده  
آکلاشیلیر که ، بالخاصه هجرتك بیک تاریخنندن بهری ، فقه و فقها بزده جهلی تمیه ایله  
استثمار ایدن مضر بر مؤسسه و بر سور و اشخاص مضره در . آرالرنده کی مستثنالر  
اوقادار آز که پارمقله کوستریله بیلر .



من تشبه بقوم فهو منهم ؛ یعنی بر قوم بگزه مکه هایشان را و قوم مندر ،  
 حدیثی غیر موضوع فرض ایتسه کبیله ، بو ، تجدد علیهدارلرینک ادعاسنی تقویه  
 ایده بیله جک بر حجت دکلدر . تشبه دن مقصد نه ؟ .. او آدام بو تشبهی یچون اختیار  
 ایتمش ؟ . احادیث شریفه نك صحتی اجماع امتله تأید ایدنلرندن ، یعنی نسان پیغمبریدن  
 شرف صادر اولدیغی شك و شبهه دن عاری بولونان ،

### انما الاعمال بالنیات

حدیث شریفی هر حرکتك حاکم عادلیدر . بو کلام نبوینک مضمونی بزم  
 مجد اعظم علیه مره بیله بر ماده مستقله ، بر دستور شکلنده درج ایدلدی .  
 اوت ، برایشدن مقصد نه ایتسه حکم اوکا کوره در . بن تشبه ی مثلا  
 غیر مسلملرک آیین دینیلرینی تقلید ورؤسای روحانیه لرینک کسوة مخصوصه سنی  
 تلبیس کبی شیلرده بولورم . وینه مثلا صرف چالغی دیکلهمک ایچون کلیسایه  
 کیدن بر آدام ، کفر ایله اتهام ایدیله بیلیرمی ؟ .. اوت ، دینیرسه (انما الاعمال  
 بالنیات ) حدیث شریفنک حکمی انکار ایدلمش اولور . چونکه چالغی دیکلهمک  
 کفر دکلدر . حتی حرام و حتی مکروه ده دکل ، بلکه مقبول و مستحب  
 شایقایی دیلنه و قلمنه دولایان محرر رساله ، یچون فرنک کوملکیله بویون باغنی  
 خاطرینه کتیر میور ؟ .. حتی فرنکک بر کسوة سنی - آدینی بیله اصلنده موجودا و لماپان بر کلمه یه

اضافته - فرنک کوملکی شکانه صوقد قدن صوکره صیرتمزه کچیر بیورز . زی  
 علماده ، یعنی صاریقلی بر چوق افندی ، فرنک کوملکینی جبه سنک آاتنده  
 وایمان اوی عد ایتدیکی سینهن سنک اوستنده بی پروا طاشیور . بویون باغنک  
 شکلا صلیبه بیله بگزه دلمه سی ممکن و خاطره وارد بیلیرکن ، جودت پاشا ،  
 ذغنی افندی کبی اعظم علمای اسلامک کوکس و بویونلرنده بو بدعتلری بالذات  
 بن کورددم .

زنا ر ایله صلیب ی شایقا ایله بر طوتمق کلمه نك هم عربجه معنایی ،  
 هم تورکجه مفهومیله ضابط ایتکدر . شایقاده علامت کفر اولاجق برشی یوق ،



زناری اشیای ممنوعه و کافره میانہ ادخال ایدن جهت **اقانیم نلش** به رمز  
و نشانه اقرار و مربوطیت اولان اوچ دو کومی احتوا ایتمه سی در .  
صلیبه کلنجه : حضرت عیسانک قتل و صلب ایدلمه مش اولدینی صراحت  
قرآنیه دن بولوندینی ایچون، خرسیتیانلرجه تنال شهادت اولان صلیبی توقیر، قرآنی  
انکار اولور . ایشته کفر عدا ایدلمه سی بوندندر . یوقسه خاچ شکنده کی هرشی،  
ممنوع و نزدنده بولوندیران کافر صایلماز . اوروپا دولترینک نشانلرنده وهان  
هپسندده خاچ واردر . عبدالمجید ، عبدالعزیز ، مراد خامس ، عبدالمجید ،  
محمد رشادده داخل اولدینی حالده، بیکلرجه و بیکلرجه مسلمان بو خاچلی نشانلری  
ایام رسمیه ده و کوسلرینک اوستندده طاشیدیلر . اعتراض ایتک و کفر عد  
ایلمک هیچ کیمسه نک خاطرینه کلیور وکلدی . چونکه برایشدن مقصد نه ایسه  
حکم اوکا کورده در .

بن اون یاشندن بری فرنک کوملکی و بویون یاغی قوللانیرم . بوایکی  
بدعت ، هیچ بروقت نیم عقیده مک تحولنده عامل اولمادی ، چوجوقلغمدده پک  
حار بردیندار ایدم . یکرمدین قرق بش یاشمه قادار ، یکرمی بش سنه ،  
شک و تحقیق وادیلرنده دولاشدم . بو کون الی آلتی یاشنده ایم . و دینک  
اکمل ادیان وحق اولدیغنه قانیم . بو رساله نک دار دوشونجه لی محرری نه حق  
ایله بی و بنله برابر، لاقول یکرمی میلیون محمدی بی کفر ایله شائبه دار کوسترمکه  
چالیشیور . فرنک کوملکینی و بویون باغنی طاشیدیان اهل ایمان آراسنده الله  
ایله بیغمبره عشق ایله اوپله مربوط اولانلر وارکه درسعام محررافندی کورسه  
کندی وجدان و ایماننده بویوک برعذاب و حجاب حس ایدر .

محرر رساله ، شایقانی دیانت و ملیت علامتی عد ایدیور ؛ یا کلش .  
اوروپاده ملیت و دیانتلری مختلف اقوام و جماعاتک سرپوش مشترکی شایقادر ؛  
و یهودیلر کیکی باشقا ، خرسیتیانلر کیکی باشقه دکلدر . روحانیلره مخصوص  
اولان شایقاعادی شایقالره بکزه من . بناء علیه هرفس کین - و الاسفا که ! ... -  
مسلمان اولامادینی کبی ، هر شایقا کین ده - له الحمد ! ... کافر دکلدر .

رساله نک مدنیت اسلامیه دن دم اوران صحیفه لری ده محررینک تاریخ بیلمدیکی  
کوستریور . مدنیت اسلامیه دن اولده اوروپانک مترقی برمدنیتی واردی .  
روما و یونان مدنیتلری مدنیت اسلامیه پیشتوا اولمشدر . فقط اسلامه روم  
حقوقنک قاریشمامش اولدینی درس عام افندی ادعا ایده بیلیرمی ؟ ...



مدینتی اقوام بشر ، بری برندن آلدی . عربلرک ادوار جاهلیتتی **عصر**  
**معات** وعصر علمه ایصال وقلب ایدن جناب پیغمبردر . یعنی عربلر جاهلی ایکن ،  
اوروپانک جنوبیله آسیانک غربنده و آفریقانک شمالیله هند و چین و ایرانده  
درجه تکامللری متفاوت ، فقط اساسلی برر مدنیت واردی . هیچ بر قوم  
باشلی باشنه بر مدنیت کتیرمه مشدر . هر قوم دیکرندن آلارق اونی طریق  
ترقیده بر آز یوروتد کدن صوکره ، بر باشقاسنه تودیع ایدر . ایشته **مدنیت**  
**اسلامیه** دیدیکمز دوره ترقیده یونان ، روما و ایران مدنیتلرینک بر استطاله .  
سیدر . **فحارخانه** ، **عمومخانه** ، **بارلر الخ** . کبی سفاهت عالمترینی آوروپا  
ایجاد ایتدی . بک اوغلنک بارلرینی و بوبارلرده حشرونشر اولان رذائلی تلغین  
ایدرز . فقط بک اوغلنده کی بارلردن ، قلوبلردن و کومورجی سوقاغنک تمللرندن  
داها اسکی اولان آناتولیده کی قاری و کوچک اویونلری ده مدنیت غربیه نک  
معصوم دیار منه تسلیط ایتدیکی بدعتلردن اولدیغنی خواجه افندی ادعا ایده بیلیرمی ؟  
رساله نک محرری ترتیب ایتدیکی قیاسلره طاقیلارق ، وعادتا سور و کلنه رک ،  
نهایت شایقا ، زنار ، صلیب کبی ، شعار کفردن معدود اولان شیلری **زنا**  
**وسرقت** دن دها آشاغی وزنا ایله سرقتی تقاضای شهوت ویا الجای احتیاج ایله  
داها خفیف و معذور کوستریور ( صحیفه ۳۱ - ۳۰ ) .  
اولا شایقانک زنار و صلیب ایله هیچ بر مناسبتی اولمادیغنی یوقاریده  
سویلش و اثبات ایتشدک . **شایقا** ، **زنار** ، **صلیب** ... دن صوکره کتیریلن  
کبی نک فرنک کوملکی ایله بویون باغنه ده شمولی غیر منکر و اظهردر .  
ایچلرنده بن دن داخل اولدیمز حالد لاقلا یکرمی میلیون اهل اسلامی بر آدامک  
درسعام ، نه اولورسه اولسون ، سوومکه نه حق وار ؟ ..  
چونکه وجدانم **ظفر** صفتی بکا توجیه اولونا جق شتومک اک غلیظی  
تملق و صاحبی کیم اولورسه اولسون ، اوکا اعاده ایدر . شایقا ، کفر دکل ،



مکروه دکل ، فس کبی ، کلاه کبی ، تاج کبی ، کفیه کبی بیکناه بر سر پوشید .  
 خواجه افندی نه حدایله حق تحریمی اللهدن غصب ایدیور .  
 مالطه محبوسلرینک آراسینده بر قسم وار ایدی که نمازلرینی ، تراویخ ده  
 داخل اولدینی حالده ، منتظماً ادا ایدر وار صیجاقل اقلیمده شهر رمضانک  
 بر کوتنی نقض صیام ایله محزون براقازلردی . بویلی کوزمله کوردیم . ریا-  
 کارانه حمل ایدلمه مک اوزره شوقی ده سویلیهیم که بن او زمره ناجیه خارچنده  
 قالمش ، خاسر بر کناهکار ایدم . سوقاغه چیقمنه مأذون اولدقلری زمان ،  
 بوصائم و مصلی ، وطنپرورلر شایقا کییورلردی . قاخ جامه نیک و بوتون دنیا نیک درس عاملری  
 امین اولسونلر که ، **دری زاده** نیک صارینی شرع شریفی انکلیزلرک آیاقلری  
 اوکنه حقیر بر سجاده کبی یایارکن ، مالطه نیک کونده بش کره الله و یالکر  
 الله سجده ایدن آللر اوستنده کی شایقالری دین و وطن عشقلا طوتوشاجق  
 درجه لره کلیردی .

شایقا ، فس ، صاریق : افراد امتی بویله شیلرله دین اسلامه ربط ایتک  
 اودینه حقارتدز . بن دینه نه باشمده کی اشیای خسیسه ایله مربوطم ، نه آیاغمده کی  
 شیلرله .

بن دینه ایمانله ، عشقمله ، آنامک ، بابامک حس و خاطراتی یقینه و تقلیدی  
 تحقیقه ایصال ایدن تفکرات و تبعاتمک ویردیکی قناعتله مربوطم .  
 مسلمان طوغدیغم کبی ، مسلمان ثوله حکم . کندی آیاغمده کی فرنک قوندوراسی  
 مباح و مستحب کورن خواجه افندی ، باشقا بر مسلمانک باشنده کی شایقایه  
 نه حقله و نه حدله کفر و الحاد تمغاسنی یاپشدریور ؟ ..

**نوصیر قضا و نوصیر ریسات** قرارینی ملتک منور قسمی شوق و شکران  
 ایله آلفیشلادی . بوکا سبب شوقیل آثار و ناصحلرک امت محمدی ممدایا ازعاج  
 ایتهمسی و ملتک استبقای نفس اچون محتاج اولدینی تجددلری بویله عادی و روح  
 اسلامی اینجیده جک قادار جاهلانه فتوالرله دائماً منع ایتمهک چالیشماسیدر .



عباداللاھك رزقنه مسلط اولان قارغالرك اتلافی علیهنده مفتینك بری یوچوز!..  
 فتواسنی ویریور ؛ مدرسه ده کی چومزلك دورینی امام ایتمه دن آنا تولیده  
 وعظ وارشاده چیقمش بر صاریقلی ، روح ابرارده مغایر قانونلارده عصبانیه ایتمه لی  
 سوزیله جهل مستکبره نی قصبه قصبه ، کوی کوی فوضویور [۱] بو کون ده  
 بر درسهام چیقمش ، بر چوق مسلمانلرك تپه دن طبرناغه قادار کافر بولون دقلرینه  
 اعلاملر نشر ایدیور . آرتق یتر . بو خلق ، اوچ ، بش جاهل دن عبارت  
 دکادر . زمانك خطوات مشی اوکنه دینی آتماسینلر . صوکره ، نعوذبالله ،  
 چیکنه نیر . دین بویوک ، دین مقدسدر . بر اوئی باشمزده ، صیرتمزده ،  
 آياغمزده دکل ، دماغمزده ، قلبمزده ، وجدان و ایمانمزده طاشیمالی یز . بن ،  
 هیچ بروقت ایستیه رك شایقا کیچدم . حتی شیمیدی پک مودا و علامت حمیت  
 اولان قاپاق ده بو کونه قادار زینتساز سرمباهام اولمادی ، بونکله برابر شونی  
 بویوک بر قناعتله اعلان ایدرم که : دین اسلام بولنده کندی حیاتی بالدفعات  
 تملکده القاونهایت فدا ایتمش اولان وفات جامع شریفغده حاضر بولون دینی  
 بر یاتسی نمازینی وجدوغشی ایله تماشا ایدرکن آم ! مسلمانلار اولمایانه و بو

شکله عبادتک زور و معادندره محروم بولونانه هر اتسانه مفیدر  
 اقرارینی کتابنه درج ایدهرک ، ادبیات جهانك بلیغ و مشعشع بر صفحه ولوحه سی  
 صورتنده بالعموم اعصار مستقبله نك کوزی اوکنه آسان و خانه سنده کی لانه  
 حضوری معبد اسلام شکلنه قلب ایله ، اوراده الهی ، محمدی و امتی دوشون  
 و بوامتک خلاصی ایچون عمرینی صوک نفسنه قاداراتعاب ایدن صرحوم  
 پیه رلوتینك معصوم شایقاسی ، بروسه یی چیکنه یی یونان اوردوسنه اکشنیع  
 تملقلرده و جاسوسلقد بولونمقدن واسکی شهرک سقوط ایتدیکی کون قرال  
 یورکی یی تلغرافله تبریک ایتمکدن حیا ایتیان بروسه مفتیسی ، درسهام ، سابق  
 شیخ الحرم الحاج عمر فوزی افندینك یشیل صاریغندن داهام محترم و داهام بارکدر .  
 ( صوک تلغراف ) ۷ ربیع الاخر ۱۳۴۳ ۵ تشرین ثانی ۱۹۲۴

[۱] اورفده آسیلان معهود ابراهیم ادهم .



بشرک دنیوی و اخروی سعادتنی کافل اولان دینی و مدنی حق یولاری  
افراط و تفریطدن عاری اوله رق بیان ایتک اوزره ( فریک مقلد لکی ) عنوانیه  
نشر ایلدیکم علمی بر رساله یه صوک تلغراف غزیه سنک ( ۱۴۱ ) نومرولی  
نسخه سنده سلیمان نظیف بک طرفندن ( ایمانه تسلط ) سرلوحه لی بر مقاله  
ایله تسلط و تعرض اولمشدر .

مقاله علم ، منطق دائره سنده یازلمش بر تنقیدنامه اولسه یدی علمی جواب  
ویرد کدن باشقا سمیمی تشکراتمی عرض و تقدیم ایدردم .

ساحه علم خارجنده بولنان سوزلره بیه اوساحه ده جواب ویرمک تربیه  
دنیهم ونزاهت قلمیه م ایله غیر قابل تألیف اولدیغندن مقاله نک بروجه آتی  
بعض نقاطنی دائره علمیه ارجاع ایله تنقید ایتک ایسترم :

اولا — ( من تشبهه بقوم .. ) حدیثنی غیر موضوع فرض ایتسه ک بیه  
سوزیله سلیمان نظیف بک کویا علم حدیثده صاحب اختصاص و بوبابده سوز  
سویله مک قدرت و قابلیت حائز ایش کی حدیث مذکورک موضوع اولدیغنی  
ایما ایتک ایستیور . حالبوکه رساله نک دردنجی صحیفه سنده حدیث شریفی  
یازدقدن صکرد قوس ایچنده ( امام احمد و ابوداود ) دیه کتب معتبره احادیثدن  
( مسند امام احمد ) ایله ( سنن ابی داود ) ده مذکور اولدیغنی بیان ایتش  
ایدم . سنن ابی داود احادیث صحیحه نی جامع اولان کتب معتبره سته میاننده  
داخل اولدیغنی کی امام احمد رحمه اللهک مسندی بین المحدثین احادیث نبویه نی  
بیله یرن بر میزان عد اولونمشدر . ولو آحاد طریقیه نقل ایدلمش اولسون  
کتاب مذکورده بولنان حدیثک اصلی واردر . لسان رسول اللهدن حادث  
اولدیغنی ثابت اولمشدر دیه محدثین کرام میاننده شهرت بولمشدر .

برده شعار کفرده اهل کفره تشبهک منهی اولدیغنی عصر سعادت نبویه دن  
زمانزه قدر تواتراً نقل اولونه کلکده اولوب هر عصرده بولنان مجتهدین  
کرام حضراتی بونک حرمتنه اجماع و اتفاق ایتش اولدقلرینه نظراً مذکور



حدیث شریفك مضمونك صحتی اجماع امتاوده تأید ایتشدر . بناءً علیه صدر اسلامده تلقی بالقبول اولنان بویله بر حدیث شریفك موضوعیتنه قائل اولق حد ناشناسلق اولدقدن بشقه بو بابده کی شعورسزلغنه عدم شعوردر .

ثانیاً — بو ، یعنی مذکور حدیث شریف « تجدد علیهدارلرینك ادعای تقویه ایده بیله جك بر حجت دکلدر » سوزیلده ده بنی تجدد علیهدارلری ایله اتهام اییدیور . اول امرده تجدددن مقصد نه دن عبارت اولدیغنی صورتمق ایسترم اکر تجدددن مقصدی مدنیتك بشریته نافع ولان امور حسنه و فضیلت قسمی ایسه بو خصوصیاتده بن ، سلیمان نظیف بکدن پك زیاده تجدد و ترقی پرورم . چونکه بن اقسام مدنیتدن امور نافع و حسنه نك ممالك اسلامیه ده ترقی و انکشافی بالکمز احتیاج نقطه نظرندن دکل ، دیناً مکلفیت جهتمندن ده ایسترم . یعنی دین جلیل اسلام بشقه قوم و ملتله احتیاجدن مستغنی اوله جق درجه ده فضیلت و امور نافعده ترقی و انکشاف ایتمکه مسلمانلری مکلف قیلمشدر . بو مکلفیت دینییه بین المسلمین وجوده کتیریلزسه کافه سی مسئول اولوب دنیا و آخرتده بوقصورلرینك جزا و ضررلرینی چکرلر اعتقادندهم . رساله نك سکرزنجی صحیفه سننده کی مباحث ، فضیلت معناسنجه تجدد و ترقیه علیهدار دکل ، سلیمان نظیف بکدن دها زیاده طرفدار اولدیغمه جانی برر شاهد عادلر .

اگر تجدددن مقصدی اخلاقاً ، اجتماعاً ، دیناً بشریته مضر اولان امور رذیله واحوال قبیحه ایسه عقیده و تربیه دینییه بوکا مساعد اولمیدیغندن بو خصوصیاتده متعرض بک افندی ایله تشریک مساعی ایتك قابلیتندن محروم اولدیغمی عرضله باب رذیلتده تجدد و ترقی علیهداری اولدیغمی کمال فخر و مباهاته اعلان ایلرم .

بشری سعادت حقیقیهیه ارشاد ایله بن دین جلیل اسلام افراد بشر آراسنده جریان ایله بن اعتقادات باطله ، اخلاق قبیحه ، اعتیادات رذیله ، افعال و اعمال مذمومه نك کافه سی هدم و منع ایچون وضع و تأسیس اولندیغندن مدنیت غربیه نك بشریته مضر اولان رذیلت قسمیه اصلاً اجتماع ایدمز .



دین جلیل اسلام بوکبی رذائلک ترقیسنه یکانه مانع عظیمدر. بو اعتقادده بولندیغ  
ایچون مملکتهمزده رذیلتک ترقیسنه علیهدار اولقده معذور کورولمه ی رجا  
ایدرم. چونکه بوده بنم ایچون بر عقیده، بر پرنسیب، بر مفکوره، بر  
ذهنیتدر. دور جمهوریتده هر فرد عقیده ومفکوره سنده سربست اولدیغی  
کبی بنده اولیم.

ثالثاً — (رساله نك مدنیت اسلامیهدن دم اوردن صحیفه لریده محررینک  
تاریخ بیلمدیکنی کوستریور. مدنیت اسلامیهدن اولده اوروپانک مرق  
بر مدیتی واردی). بنی تاریخ بیلمه مکه اهرام ایدن شوسوزلری رساله یی لایقیله  
اوقوماش اولدیغی کوستریور.

چونکه رساله نك طقوزنجی صحیفه سنده (کوستاولوبون) ک (روح الاقوام)  
نامنده کی کتابندن نقلاً بیان اولندیغی اوزره قرون اولاده اوروپاده بولنوبده  
بالاخره منقرض اولان یونان و روما مدنیتک منشئی شرق اولدیغی بیان  
اولندیغی کبی، قرون وسطاده عربستان وبخاصه اندلس آفاقنده لمان ایتمش  
اولان مدنیت اسلامیهدن متأثر اولق اعتباریله اوروپا مدنیت حاضره سنکده  
مولدی شرق اولدیغی بیان ایدلشدر.

رساله ده اثباتنه چالیشدیغیم جهت بوندن عبارت اولدیغی حالده بنی تجهیله  
قالقشوق یارساله نك مضمونه ویاساس مسئله یه وقوف سزلقدن بشقه برشی دکلدرد.  
رابعاً — (بوکونده بردرسعام چیقمش برچوق مسلمانلرک تپهدن  
طیرناغنه قدر کافر بولوندقلرینه اعلاملر نشر ایدیور. آرتق یتر. بو خلق اوچ  
بش جاهل متعصبک کیفنه قوللق ایدمن) سوزیله اولافترا ایدیور. چونکه  
رساله ده مسلمان مفهومک شامل اولدیغی هیچ بر فردک کفرینه دائر هیچ  
برمعنی مندج دکلدرد واوله ماز. زیرا (کله شهادت) ی سویله بن هر فردک دائره  
اسلام داخنده اولدیغی اعتقادنده بولنان اهل سنت مذهبندن اولدیغیم ایچون  
صراحةً وقطعياً ارتکاب کفر ایتشمش اولان بر شخص معینه اسناد کفر  
ایتمکه عقیده م مساعد دکلدرد.



خامساً — بنی جهل و تعصبه اتهام ایلا کدن باشقا فضیلتی تحت انحصاره آلوب ایسته دیکنه تعصب تمغاسنی پایشد یرمق صورتیله تهدید ایدهرک، هر کسی کندی فکرینه رام و فکرینه قوللق ایتدیرمک ایستیور که حریت وجدان و سربستینک متکافلی بولنان دور جمهوریتده بونک غیر قابل اولد بگندن غفلت ایدیور. مع هذا بوصورتله ده افراط درجه ده قیزیل برتعصب روحنه مالک اولدیغنی و تام معناسیله دار دوشونجه لی بولوندیغنی اظهار ایتش اولیور. شومناسیته تعصبی تعریف ایدوب ده کیمک منعصب اولدیغنی کوستریم بر- قاعده کله بیان اینمک استرم :

تعصب : نفسده عصبیتدن مأخوذ اولوب تفعل وزننده مصدر در. عصبیت عصبیه منسوب برخصالت، یعنی اقربا و قومنه نصرت ایتک قیدنده بولمق و بو بابده غیرت کوسترمک دیمکدر.

عرف شرعده تعصب : باطل و ضالاه اصرار ایدوب غیرت کوسترمکدر. رسول معظم صلی الله علیه و سلم افندمن (عصبیت جاهلیه نه در ؟) دیه سوال اولندیغنی زمان (ان تعین قومک علی الظلم — یعنی حقه متابعت واجب ایکن خلقه میل ایله ظلم اوزرینه قومنه نصرت و معاونت ایتکدر) دیه جواب ویرمشلدر. شوخالده منعصب : خلافت دلیل و برهان قائم ایکن باطل، ظلم و ضالاه اصرار ایلین و بوخصوصده عناد و عزم کوستره کیمسه دیمکدر که شرعاً پک مذموم بروصفدر. بناءً علیه الحاد و ردائلك بین البشر تعممنه سعی ایدنلر زمره متعصبینک اکممتازلرندن عدایدلک لازمکایرکن بونلره قزیل منعصب عنوانی ویرمک دهها مناسب اولور.

افراد بشر آره سنده ایمان و فضیلتک تعممنه سعی ایدنلر و بوکا طرفدار اولانلر ایسه متعصب دکل، متصلبدر که شرعاً و عقلاً اک ممدوح، اک مقبول خصالت عالییه در.

بواصله بناءً مسلمانلری غیر مسلملرک بلغ و تمیلندن وقایه وانلرک موجودیتلرینی محافظه و مستغلاً وارلقلرینی ادا نه غایهستی استهداف ایلین احکام عالییه دینییه بی رساله مده نصر ایدوب افراد بشری فضیلتیه، اخوان دینی ملیت اسلامیهلرینی



محافظه به ارشاده چالشدیغم ایچون بنی متعصب اولمقلغم ایجاب ایدر، یوقسه  
 یبانجی روح، یبانجی تربیه، یبانجی اعتیاد ایله مسلملری آشیلایوب ده ظاهرأ  
 و باطنأ کندی واراقلردن و ملیت اسلامییه علائندن تجرید ایده ایده افراد  
 مسلمینك غریبلر طرفندن بلع و تمیل اولمیرینه کسب قابلیت ایتلرینی عن تصد  
 و بلا شعور تسبیله چالیشان سلیمان نظیف بکک می متعصب اولمسی لازم کلدیکنه  
 دائر ویریله جک حکمی وجدان عمومییه حواله ایدرم .

سادساً — رساله نك ( ۲۴ ) نجی صحیفه سنده که ( شو حالده شایقا، زنار،  
 غیار، صلیب کبی اهل کفرک شعار و علامت مخصوصه سی اولان شیرلی ... )  
 عبارت سنده کی ( کبی ) لفظ نك فرنگ کوملکی ایله بویون باغنه شمولی بولندیغنی  
 توهم ایدوب، بونلری عصر ابعده عصر شعار کفردن عداولنان اشیا ایله مساوی  
 تلقی اتمک کله نك تام معناسیله خلط ایتمکدن بشقه برشی دکادر . چونکه  
 عبارت ده کی ( اهل کفرک شعاری و علامت مخصوصه سی ) قیدی ( کبی ) نك  
 فرنگ کوملکی ایله بویون باغنه اصلاً شمولی بولنه میه جفته قرینه قطعیه در .  
 زیرا بونلر او برلرینک مماثلی دکادر . هیچ بر عصرده مماثلی عد اولنماشدر .  
 اساساً کفری ایجاب ایله بن تشبیه مداری علامت کفر اولاق اوزره تخصیص  
 اولنان شیرلی اتخاذ ایدمک در . بویله براختصاصی اولیان اشیا نك فرنگلر  
 طرفندن ایجاد ایدلمسی و یا فرنگ کوملکی اسمیله توهم اولمسی کفر ایجاب  
 ایلین شیردن دکادر . رساله نك آلتنجی صحیفه سنده بو کادائر تفصیلات وارد  
 بالاده عرض اولنان ( کبی ) لفظنه کندی توهماتنه کوره معنا ویرد کدنصکره  
 خیالخانه سنده ایجاد ایلدیکی مقدمات فاسده دن ترتیب ایلدیکی قیاسدن شخصلری ده  
 داخل اولدیغنی حالده فرنگ کوملکی و بویون باغنی اکتسا ایلین لاقل یکر می ملبون  
 اهل اسلامک تکفیر ایدلمش اولدیغنی نتیجه فاسده و مفسده سنی استخراج  
 ایدیور . آنقا بیان اولندیغنی وجهله رساله بو کی اسناد و افترا دن عاریدر .  
 بو نتیجه فاسده صرف کندی ایجاد کرده سیدر . بویله عظیم بر بهتان و افترا  
 ایله ده قناعت ایتیوب ( صاحب کیم اولورسه اولسون او کا عاده ایدر ) سوز یله ده  
 طوغریدن طوغرییه شخصی تکفیر ایده رک روحاً قزیل تعصب علتیله معلول  
 اولدیغنی اظهار ایتش اولیور .



سابعاً — ( شاپقاده علامت کفر اولاجق برشی یوقدر ، شاپقا کفر دکل ، حرام دکل ، مکروه دکل ، فس کبی ، کلاه کبی ، تاج کبی ، کفیه کبی بیکناه برسر پوشدر . پیدر لوتینک معصوم شاپقه سی .. )

بوسوزلریله شاپقاهقنده کی عقیده اساسیه سی اظهار ایتمش ، صریح و قطعی فتوایی و یرمش و بر صورتلده حق تحلیلی شارعدن ، حق افتایی فقهادن غصب ایتمش اولیور

حالبوکه رسالده شاپقایه دایر اولان مباحثی فتاوی هندیه ، قاضیخان ، نزاریه ، محیط برهانی کبی کتب معتبره فقهیه دن و علوم شرعیه ده اختصاصلری بولنان ائمه دین و فقهای ذوی الاحترامک کتابلرندن اخذایله ترجمه ایتدم . روح مسئله کنیدیلکندن برشی علاوه ایتدم . وادله سیله برابر مسئله یی کمال وضوحه بیان ایتدم . فقط بحث ، علمی اولدینی ایچون حین مطالعه ده بر آزدقت استر .

علم فقهده ارباب اختصاصدن بولنان وسوزلری هروجهه شایان اعتماد اولان ذوات کرامک سوزلرنه می اهل اسلامک اعتماد وایمان ایتسی واجب اولور ، یوقسه کنیدی اعتراف ایلدیکی وجهه یکر میدن قرق بش یاشنه قدر یکر می بش سنه شک وادیسنده طولاشان و دیگر بر مقاله سنده اعتراف ایلدیکی اوزره ، بو اثناده بر حقوق کیسه لری اضلال ایلش اولان ، اون بر سنه لک بر مسلمان اولدینی حانده نم بیلدیکم بر سنه ایچنده ایکی دفعه ضروریات دینییه تعرض ایلن ( بری مکلفیت صیامک و جوی انکار ، دیگر حضرت عیسی علیه السلامی تحقیر ، تریف ایتش اولسی ) آرتق یکر می بش سنه دینسزلک ضلال ، اضلال وادیسنده یاشایان ، اون بر سنه لک اسلامبی زمانده ضروریات دینییه صاله بر ماقدن کیری طورمایان سلمان نظیف بکک شاپقاهقنده و یرمش اولدینی حکملره ، فتوالره می اعتماد ایتلری لازم کله چکینه دایر و بر بله جک حکمیینه افکار عامیه حواله ایدرم .

سلمان نظیف بک بوله یارم معلوماتله احکام اسلامیه دایر عندی فتوالر و یرمکه قالمشاجغه آرادن حرمتله چیقیو بر سه بدھا فضله خدمت ایتش اولوردی .



ثامناً -- متوفى ده عرس ايسهيم كه : هر فرد كندى اعماليله مؤخده اولملى ،  
بر فردك سيئاتيله ديكرلرني مؤاخذهيه قيام ايتك عدل ونصفت ايله غير قابل  
تأليفدر . وبالحاصله فردك ارتكاب ايلديكي سيئاتنى صنفه تشميل ايتك ويابر  
صنفك اعمال سيئه سيلاه او اعمالده مدخلدار اولميان فردلرى لكه لكه چالينمق  
عقل وانصاف ايله قابل توفيق اوله ماز .

بو كا مساخ اولسه يدى صحائف تاريخ قاريشديرلديغى زمان تصادف اولنديغى  
اوزره بزم مملكتك انحطاط وتدنيسنده سليمان نظيف بكك منسوب اولنديغى  
صنفدن عوامل موثره اولمش بولنانلرك ارتكاب ايلديكارى سياآت كبريه وجنايات  
عظيمه ايله سليمان نظيف بكك ده لكه دار اولسى لازمكابر وبوگون اشخاص  
مضره دن معذور اولمى اقتضا ايدردى .

تاسعاً -- ( فقه اسلامه روما حقوقك قاريشامش اولديغنى درس عام  
افندى ادعا ايدم بيليرمى ؟ ) بوسوزينه صورت قطعيه ده ( اوت ) جوانى ويريرم :  
چونكه فقه اسلامك منشأ وضعيتى آنجق قرآن كريم ايله احاديث صحيحه در .  
احكام فقهيه يالكر بولنلردن اخذ واستنباط اولمشدر .

دين اسلام دين فطرت اولديغى ايچون عقل سليمدن نشأت ايلين احكامه  
توافق ايدم بيلير . بعض احكامده روما حقوقنه توافقي بوجهتدندر .

عاشراً -- فاتح جامع شريفنده مسلمانلرك برياتسو نمازى قلديغنى تاماشا  
ايدركن پهرلوتينك ( آه ! مسلمان اولمايان وبوشكلده عبادتك ذوق وسعادتندن  
محروم بولونان هرا انسان سفيلىدر ) ديه ايراد ايلديكي شوبليغ سوزى انطاق حق  
قبيلندن اولارق نقل ايلين سليمان نظيف بكك لهنده دكلدر . بو وجيزه نك  
افاده ايلديكي ( ذوق عبادتن محروم بولنان سفل ) مياننده بولونماديغنى ادعا  
وبوادعاسنى توثيق ايدم بيليرمى ؟

قرآن كريم حقنده ده بوشبهه يي بسله يورسه قديمآ بوزعم باطلده بولونان  
زمره ملحدينه التحاق ايتك صورتيله بكا اسناد ايتك ايسته ديكي ( كفر )  
صفتى بحق كنديسنه توجه ايتش اولور .



فقط سليمان نظيف بكك اون بر سنه اول واقع اولدینی ضلالتہ تکرار هودت  
ایتمه مك ایچون مخاطره لی واعوجاجلی وادیلره طولاشمهقدن واز کچوب (الحق  
احق ان یتسبع) قولنك آمر اولدینی اوزره باب ایمانده حقه اتباع ایتمسنی  
خالصانه تمنی ایدرز . ( والسلام علی من اتبع الهدی )

اسکلیلی

محمد عاطف



ایمانہ تسلط سرنامہ سیلہ یازدیغ مقاله به فاع در سماع لریدن اسکلیلی عاطف

افندی جواب ویریور . بن نه کتاب ، نه محرراسمی ذکر ایتشدم . مقصدم ،  
دامدن دو شرحه سنه اورتایه آتیلان ، روح اسلامه مغایرومضر برساله نك  
محتویاتی تدقیق ایله اخوان دینه اوندن توقی ایتکی توصیه ایتک ایدی . مادام که  
خواجه افندی ، اثرینک عنوانی ایله کندی اسمنک برلکده صراحة اعلان  
اولوناسنی ایستور ، ایشته علناسویلیورم که ایمانه تسلط مقاله سنی بکایازدیران  
رساله نك آدی فرنک مقدر لکی و شایفا در : محرری ده فاع در سماع لریدن  
اسکلیلی عاطف افندی .

بو بحثک دوروب دورورکن اورتایه آتیلما سنده نه لزوم : نه مناسبت  
واردی ؟ . فرنک ماصاسنک باشنده ، فرنک صاندالیاسنه او طوروب ، فرنک  
قلمیله ، فرنکستاندن کان . باشلری فرنک مارقالی ، ایچلری فرنک فیلیقرانلی  
کاغده یازی یازمق : اوموزدن آیاغه قادار فرنک لباس وچاماشیرلرینی کینمک ،  
چاتالله ، بیچاقه یمک ، تراموایه ، اوتوموبیله ، واپوره ، شومندوفره بینمک ؛  
ینکلیر ، فرانسز ، ایتالیان بایراقلرینک آلتنده حج شریف نیتنه جده به کیتمک  
کنه اولیور و ثواب اولیورده ، باشه روملردن یوز سنه اول آلمش اولدیغمز  
فسه بدل ، شایقا کچیرمک کفر عد ایدیلیور . امام احمد و ابوداود دکل ، امام  
اعظم بونی ادعا ایتسه - که ایتمه مشلردر - ینه قبول ایتم .

( من تشبه بقوم ... ) حدیثنک موضوع اولدیغنی بن صورت مطلقه ده  
ادعا ایتهدم . سوزمی عاطف افندی خواجه عن قصد وعن جهل تحریف ایتمش . عد  
قصد تغیر اخلاقه ، عن جهل تحریف علمه عائد بر رنقیصه در بن ( من تشبه بقوم ... ) حدیثی غیر  
موضوع فرض ایتسه ک بیله ... ) دیمشدم . ( صوک تلغراف ) ک اول نسخه سی میدانده در .

متواتر اثبات اولان احادیث جلیله نبویه دن ماعدا ، کتابلره هریت نامیله کچن  
سوزلردن برچو غنه بن امنیم بوقدر . بن الله ، قرآنه و قرآنده مذکور اولان



کتابلرله پیغمبرلره ایمان ایتمکله مکلفم . ( امام بخاری ) ، ( امام احمد ) ،  
 ( ابوداود ) و امثالی بزم کبی بشر وینه بزم کبی خطا ایتهلری پک محتلدیر .  
 ( من تشبه بقوم ... ) حدیثی تواتراً ثابت اولادیغی جهتهله ، دیگرلری  
 حقننده کوستردیکم ترددی بوکاده تشمیل ایتدم .

شیعندی بن درسعام افندیبن برشی صوراجغم :

مسائل دینهده مایه الاحتجاج اولان احادیث شریفه فخر کائنات علیه  
 افضل التحیات افندمنک فیمبارکاردن دوروب دورورکنی شرفصادرا اولوردی ؟ ..  
 یوقسه هپسی بررلزوم واجباب اوزرینه و مصلحته بناءگی ایراد بویورلوردی ؟ .  
 ( من تشبه بقوم ... ) حدیثی نیچون نه مناسبتله و نرهده صدور  
 ایتمش ؟ .. بنم بیله تصریح ایتمکده عاجز اولادیغم بونقطه یی عاطف افندی  
 خواجه ایضاح ایتسین . اووقت کورلورکه اورتهده شایقا ، کسوه ، فلان  
 کبی برشی یوق . باشقا سببله ایراد ایدلمش برقول . حدیثک منشأ و موضوعی  
 گتم ایله بوندن برقیاس مع الفارق حیقارمقله صاحب نبوت افندمنه اسناداقوال  
 ایتک آراسنده هیچ برفرق یوقدر . بن بوندن استفاده ایدرم . خواجه افندیکنک  
 ( فرنک مقلدکی و شایقا ) رساله سنی یازمقله اسلامه هزار قازمق ایسته یین  
 قلمندن حیقان ( حدناشناسلق ) و ( شعور سزلغه عدم شعور ) کبی حق و جهل  
 مضاعف افاده ایدن ترکیبلره کیمک ده ازیاده لایق اولدیغنی ارباب عرفان  
 تعین ایتسین .

بن مدرسه ده کلام و عقائد او قومادم . فقط دینک احکام اساسیه سنی  
 و خصوصیه درس عام عاطف افندیکنک دار برچرچیوه ایچنده ، بی شعورانه  
 تماشا ایتدیکی تاریخ اسلامده تلقی بالقبول اولونان ) دیدیکی احادیث ایچنده  
 عاطف افندیکنک ( صدر اسلامده تلقی بالقبول اولونان ) دیدیکی احادیث ایچنده  
 نه قدر موضوع و مسند اقوال بولوندیغی ده مجهول دکادر . قلمله اعلان شو یله  
 طورسون ، لسان ایله افشا ایتک ایسته مدیکم و باغرمده ساقلا دیغم اسرار  
 تاریخیه یی غزته ستونلرینه دو کیمک بی مجبور ایتدیکی ایچون هر والی فاتح درسعام  
 لرندن اسکاییلی خواجه عاطف افندیکنک بونونه اولسون .



صدر اسلامده و اعظم اصحابك قسم اعظمی هنوز بر حیات ایکن ، اسلام آراسنه نفاق و تفرقه کیردی . حالاسوئمه بن و سیاسی ، مذهبی بیک شکل مختلفه دوام ایدن ( هاشمی - اموی ) دعواسی اسلامی دفعات ایله یقاجق درجه ده صارضمش و وحدت توحیدی ایسه بوسبوتون خللدار ایتشدن . (جمل) وقعه سنده اکبریوک اصحابدن وعشره مبشره دن ( زبیر بن العوام ) حضرت تلی ایله دیگر اصحاب کرام بولوندینی کی ، ( صفین ) دده معلوم و مشهور بر چوق صحابی احتراصات دنیوییه بر آراق ایجابات دینییه نك فوقنده طو تدیلر . تاریخدن حرفیاً نقل ایتدیکم شو سطر لر پك عبرت آوردن :

« ... بعده حضرت علی ، حضرت زبیر خطاباً ،

« [ یازبیر ! .. خاطر کده میدر که بر کون رسول الله صلی الله علیه وسلم حضرت تلی سکا خطاباً ، سن ظالم اولدیغك حالد علی ایله ( مقاله ابد جکسك ) دیو بیورمشدی ] ده نیجه .

« حدیث شریف زبیرك خاطرینه کلدی . صاند که بر درین اویقودن اویانوب ده »  
 « کندینه کلدی . ( اوت یارب ) دیدی . و ( اکر بو حدیث شریف اولجه »  
 « خاطرمه کلسه می بورایه کلزدم . والله ابداً سنکله مقاتله اتمم ) دیو یمن ایتدی ... » [ ۱ ]

بورایه قدر کوزل و قابل تأویل . زبیر بن العوام حضرت تلی مدینه دن بصره یه قدار کوتورن و حضرت علی ایله او کونکو ملاقاتنه قدار واقع اولان بالعموم حرکاتنه **امپراطور** دینه بیلیرز . فقط بوندن سوکرا باشلایان احترا صدر . اعظم علمای اسلامییه دن بولوندیغنده و سلامت عقیده سنده هیچ کیمسه نك شبهه سی و اعتراضی اولمایان جودت پاشا ، سوزه بلا انقطاع دوام ایله دیور که :

« بو قرار اوزره آیریلوب حضرت علی عودنده اصحابنه ( زبیر ، سزکله جنك ایتمه مك اوزره یمن ایتدی ) دیو بیورمش .

« زبیر دخی رفقاسی یاننه وارمش ، کیفیتی بیله یرمش و عایشه صدیقه » ( نه یاپه جقسین ) دیو صور دقده ( صاووشوب کیده جکم ) دیو جواب و یرمش .

[ ۱ ] جودت پاشا ( قصص انبیا و تواریخ خلفا ) جزء سابع ، صحیفه ، ۲۷



«اوغلی ( عبدالله ) ایسه آگاه اعتراض ایله ( ایکی فتنه یی بریره کتوردک .  
 «تمام اوروشه جقلری وقت ساووشمق ایسترسین . بو دکل ، الاسن ابن ابی  
 «طالبك يراقلری آلتده کی یکیتلردن قورقدك ) دینکله زبیر نه یاپیم ، عین  
 «ایتدم ) دیدکده عبدالله ( یمینکله کفارت و برده ینه علی ایله جنك ایت )  
 «دیهرک کوله سی ( مکحول ) ی آزاد ایتدیرمش اولدینی صرودر .

«طلحه و زبیر ، عشره مبشره دن اولدقلری حالده رأی و اجتهدلرنده خطا  
 «ایددرک فتنه نك بویومسنه بادی اولمشلر ایسه ده وقوعاتك سیاق و سباقنه نظراً  
 «آ کلاشیلورکه آنلرک بومرته ایلرو کیتملرینه اوغللاری سبب اولمشدر [۲] .

« علی الخصوص حضرت زبیر ، سالف الذکر حدیث شریفی نخطر  
 «ایددرک حضرت علی ایله محاربه ایتمک اوزره عین ایتمشکن اوغلنك اومرته  
 «جنك اوزرینه اصراری بادی تعجبدر ... [۳] »

اوغلنك اصرارندن زیاده ، حضرت زبیرک حدیث شریفی نخطر و بونك  
 اوزرینه اوعینی ایتمشکن ، امرنبوی خلافتده حربه دوام ایتمه سی تعجبدر بادی  
 اولمازی ؟

حضرت علینك بووقعه اثناسنده حضرت عایشه یه خطاباً یازلمش اولان  
 بومکتوبینه ( صدر اسلامده تلقی بالقبول اولونان ) هرشیئه اسناد قدسیت اینه  
 خواجه افندی نه در :

« ای ام المؤمنین ، ملازمته مأموره اولدیغك بیتدن خروج ایله بویوللری  
 «اختیار ایدیشك رب العالمینك امرینه موافق دکلر . بوایشلرک سنکله مناسبتی  
 «بو قدر مقصدك اهل اسلامی اصلاح ایسه بوکیدیشلک اصلاح ممکن اوله من .  
 «سندن سؤال ایدیورم . زوجات رسول لاه کندی اولرنده ملازمته مأموره

[۲] حضرت زبیرک اوغلی عبدالله در برنجی طبقه مفسرین میاننده احادیث  
 عیدده روایت ونقل ایتمش اصحابدندر . حیاتی احتراصات سیاسییه ایله کچدی .  
 ونهایت مقتولاً ترك حیات ایتدی . سلیمان نظیف

[۳] جودت پاشا (قصص انبیا و تواریخ خلفا) جزء سابع صحیفه ۳۸-۳۷



ایکن سن بواصره مخالفتی نعل ارتکاب ایدیورسین . مقصدک عثمانک قانی دعوی ایسه عثمان بنی امیه دندر . سن بنی تیمدن بر عورتسین . بواصرک بیوک اختلافه سبب اولاجغنی ملاحظه ایتیمورمیسین که ملحوظ اولان اختلافک سونلیجه سنده عثمانک فائده کی وبالدن زیاده وبال حاصل اوله جقدر [۴] .

الکزیاده حدیث روایت ایدن حضرت عایشه بی حضرت علی بوراده صراحة ( رب العالمینک امرینه مخالفت ایتیش ) اولمقله اتهام ایدیور . بن بیطرف وایکی طرفه ده عین درجه ده حرمتکار برناقله .

اون بش سنه اول بهر ده کیتدی کمده ، ایلک جمعه نمازینی بهر ده ک اون بش کیلو مترو جنوبنده کائن ( زبیر ) قصبه سنده و ( زبیر بن العوام ) حضرت تترینک تربه سنه ملاصق جامع شریفده ادا ایتدم . جامعدن چیققدن صوکره ، زبیر قصبه سنی کشت و کذار ایدرکن یانده بولونان اشراف بهر ده دن باش اعیان زاده عبدالله افندی ، بکاشوسوزلری سوبله مشدی :

— طولاشدیغمز شو سوقاقلرده اون اوچ بیک صحابی مدفوندر . [۵]

بوسوز اوکون بنی برچوق دوشوندرمش اولدینی کی ، مدلول جیعی حالا وجدانی تعذیب ایدر .

شیخین رضی الله عنهما زمانلرنده اصحاب کرام یکدل ویک امل ، اسلامی تقویه و نشر ایتکه چالیمشلردی . حضرت عثمانک زمان امارتنده امویلر اسکی قدرت و تغلبلرینی یکیدن الله ایتک ایستدیلر . ایشته هر فیامت بوندن قویمشدر . حضرت علی علیه السلام کئیوک اصحاب کرامدن ایکیسینی وبالخاصه زبیر بن العوامی و عایشه بی سوق ایدن اسباب ، حضرت عثمانک حقنی احقاق ایتدیرمک غایه سی دکلددر . چونکه علینک ید معصومنه خون عثماندن بر قطره سورونه مشدر . بوسر دوی منند خلیفه و داماد رسول ، سلفنی محافظه یولنده آل و اولادیلر برابر صوکره وسعنی

[۴] دیاربکرلی سعید پاشا ( صراآت العبر ) جلد ۶ ، ۲۸۰ .

[۵] صبحی پاشا ( تاریخ اسلام ) نه طرفین شهدا سببلا مقتوللرینی اون بیک

اولق اوزره قید ایدیور .



صرف ایتدی. عثمانك اطرافنده کیلر امتی حضرت ذی النوریندن تبرید و حساً تبعید ایتشلردر. شهادتنه قدار لاقید قالانلر ، بالاخره اک آتشی طرفداری کسیدیلر .

بونلری یازیشم صرر اسلامده تاقی بالقبول اولوناماجق نلر کیمش اولدیغنی خاطره کتیرتمک ایچوندور .

داها ایسی سکوت ایدلم . بیک اوچ یوز سنهک معظم و عرشپایه قبه بی فضله صار صمق کناهدر .

عاطف افندی « بن سلیمان یطیف بکدن زیاده تجدد پرورم . » دیور . کاشکی بویله اولسه بدی !...

بویله اولسه بدی جداً متفخر و امید وار اولوردم .

هیچ بر لزوم و سبب اولادیغنی حالد فرناک مقلد کی آدی بر رساله بی

اورتایه و بر چوق مسلمانی حدود اسلامیه خارجنه آتان بر آدامه نه بجرده سور

دیرلر ، حتی نه ده متعصب . بویله زاوالیلرک آدلری هسیرده بی شعور و باوهر کودر

تجدد پرور اولدیغنی ادعا ایدن عاطف افندی بر زمان هیکل ایله رسمک ده

کفر اولدیغنی قیاسی فقها دن چیقاردیغنی سفسطه لرله اثبات ایتکه بلته نمشدی

انکار ایدرسه (محفل) مجموعة محترمه سنک ۹ نجی نسخه سنیده کی مقاله سنی

تکرار نشر ایده بیلیرم . مرحوم و بر حیات میلیونلرجه اخوان دینک فطوغرا-

فیلری و دیگر رسملر عالم اسلامک هر طرفنده وجیبیلرده ، کتابلرده ، دیوارلرده

دورورکن بر آدامک بویله بر ادعاده بولونماسی نه قدار هذیان ایسه ، بو آدامک

تجدد پرور اولدیغنی ادعا ایتمه سی تجدد پرور صفتنه اونسبتده عظیم بر حقارت

و بهت اندر .

جوابنامه سنک احتوا ایتدیکی دیگر ترهات و خرافاته پنجه شنبه کونی جواب

ویره جکم .



خواجه عارف افندی معهود رساله سنده مدینتک واضعی مسلمانلر اولدیغنی ادعا ایتش ایدی. بن اسلامدن اول یونان و روما مدینتلی بولوندیغنی و یونان ابله رومانلر کنگنه مقدم مصر، هند، چین، آثور، بابل و الح مدینتلی اولدیغنی تصریح ابله خواجه افندی بی دالمش اولدیغنی خواب غفلتدن ایقاز ایتک ایستهم.

«کا کویا جواب ویرمش اولق اوزره دییور که :  
 «... (کوستا و لوبون) ک (روح الاقوام) نامنده کی کتابندن نقلاً بیان اولوندیغنی اوزره، قرون اولاده اوروپاده بولونوب ده بالآخره منقرض اولان یونان و روما مدینتک منشی شرق اولدیغنی بیان اولوندیغنی کبی قرون وسطاده عربستان و بالخاصه اندلس آفاقده لمعان ایتش اولان مدینت اسلامیه دن متأثر اولق اعتبارله اوروپا مدینت حاضره سنک مولدی شرق اولدیغنی...»  
 (شرق) دینلنجه اسکاییلی عارف افندی ک خاطرینه همان عربستان کلیوبریور، مصر، قارطیجه، فنیکه، آثور، بابل، هند، چین بو (شرق) دائره سینه داخلدر.

(بالخاصه اندلس آفاقده) خواجه افندی ک شرقی کورمه سی رقیب و عقلنک نه قادار خطایه دوچار اولدیغنی کوستا و لوبون، اندلس، قطعه اعتبارله شرق دکل، عرب، حتی بزه کوره اقصای غربدر، اندلسک شرقنده بولونان فاسه یله اسکی غرب جغرافیونی (غرب) و فاسلیرده (مغربی) دیرلردی.  
 مدینت اسلامیه تاریخ تمسندمه مبدأ دکل، بر صرحله در. بن بونی سویلشدم.  
 خواجه افندی اعتراضیه بی تصدیق ایدر کن شرق و غربدن بی خبر و اندلسه عراقک موقعلرنی تعینندن عاجز بر آدام بولوندیغنی اثبات ایدیور. دنیادن بوقادار غفلت دینه بیله ضرر ویرر.

اسکاییلی عارف افندی جوابنده دییور که :  
 «... رساله ده مسلمان مفهرمنک شامل اولدیغنی هیچ بر فردک کفرینه دائر هیچ بر معنی مندیج دکلدر و اوله ماز، زیرا (کله شهادت) ی سویله بی عر  
 «فردک دائره اسلام داخلنده اولدیغنی اعتقادنده بولونان اهل سنت مذهبنندن  
 «اولدیغم ایچون صراحة و قطعاً ارتکاب کفر ایتمه مش اولان بر شخص معینه  
 «اسناد کفر ایتکه عقیده مساعده دکلدر...»



خواجه عاطف افنديك يا حافظه سي خراب و مغشوشدر ؟ ويا كذبى تحقق ايدرسه هيچ صيقيلماز برضايح و مشربى وار. كتابنك ۳۰ نجى صحيفه لرنده كي شو اون آلتى سطرڪ كندى فلمندن چيقمامش اولديغنى فاتح درسعاملرندن اسكاييلى عاطف افندى ادعا ايدى بيليرى ؟ .

«... شاپقا ، زنار ، صليب كى شعار كفردن معدود اولان شيلرى  
 « ۱ كتسا واتخاذايدنك شرعاً موره اولان شيلرى ، ( مثلاً نمازى ، زكاتى )  
 « ترك و منهى عنه اولان شيلرى ( مثلاً زناى ، سرقتى ) ارتكاب بيننده فرق  
 « نه دركه اولكيلر علامت كفر و اماره تكذيب عداولونديغى حالده ايكننجيلر  
 عد اولونمويورديه برسؤال ايراد اولونه حق اولورسه جوابنده ديرزكه :  
 « واقعا ايكننجيلرده اولكيلر كى شرعاً ممنوع ايسه ده هوسات و شهوات  
 « نفسانيه بونلرى ايشلكه فطره سائقدر. آنك ايچون قوه شهويه لرى عقلارينه  
 « غالب اولان زمره بشر دينا ممنوع اولان مشتهيات نفسانيه يى ارتكابدن خالى  
 « قالماز . ايشته بونك ايچون شارع اونلرى اماره تكذيب عد ايتمه مشدر. فقط  
 « اهل كفره مخصوص اولان شعار و علامتى ارتكاب ايچون بويله بر عذر  
 « فطرى ، بر سائق يوقدر. زيرا بو اساساً نفسك آرزو و ميل ايلديكى مشتهيات  
 « جمله سندن دكلدر . شو حالده بونى ارتكابه سائق سوء عقيده دن باشقه بر  
 « شى اولماديغى ايچون شرع شريف ممنوعات شرعيه نك بو قسمنى علامت كفر  
 « و اماره انكار عدايله ، جرتكبك كفرينه حكم ايتمشدر ... »

ايشته عاطف افنديك كتابندن عينا و حرفياً نقل ايتديكمز سطرلر !..  
 اهل سنت مذهبنه منسوب اولديغى جهتله كله شهادتى سويله ين [ ۱ ] بر شخص  
 معينه اسناد كفر ايتكه عقيده سي مساعد بولونماديغنى ادعا ايدن بر آدام ،

[ ۱ ] خواجه افندى البته بيليركه ( كله شهادت ) ي يالكنز سويله مك  
 اسلام ايچون كافى دكلدر . قلباً تصديق و لساناً اقرار ايستر . واقعا قلباً  
 تصديق ، يالكنز جناب حقه معلوم احوال دن ايسه ده ، ( كله شهادتله ايمائى  
 اقرار ) ايدن كى بر عبارده ايله مقصدى افاده ايدمله لى ايدى .



بیکارجه ، میلیونلارجه افراداتی جن القلم تکفیر ایتک جرأتنده بولونویور  
وبولونمش ده حالایبری یوق .

اولا ، ( شایقا ) ایله ( زنا ) و ( صلیب ) خلط ایدله سین . زنا  
ایله صلیبک یچون امارات کفر دن معدود و ممنوع بولونقلرینی یازدیغم ایملک  
جوابده ایضاح ایتشدم . خواجهنک شایقایه غیظ و غرضی زنا ایله صلیبه  
اولان بغضندن داها زیاده اولمالی که اک باشه اونی کتیرمش . احتمال که باشه  
کییله جنک شی<sup>۲</sup> اولدیغیچون محرر رساله نک تناسیب و رلکی بویله مناسب کورمش ! ..  
کتابنک بانکز شو اون آتی سطر ی تحلیل اولونورسه ، قیاس ففها ایله  
کثرت توشلک اسکاییلی عاطف افندی نه قادار سفسطه پرست و سرسم برحاله  
قوشش اولدیغی ظاهر ایدر .

حق تحريم ، نه اسکاییلی عاطف افندی نک ، نه فقها نک ، نه محدث و مفسر لرک ،  
حق نه ده پیغمبر کدر .

## حق تحريم الله کدر ! ..

بو بویله ایکن وجناب حق ( زنا ) ایله ( سرقت ) ی قرآن کریمنده نص  
صریح ایله تحريم ایتشکن ، حقنده صریح ، ضمنی هیچ بر تهی بولونمایان بر  
سرپوشدن او ایکی کبیره ممنوعه یی اهون کوسترمه سی نصل بر ضلال عقلی  
وعلمی نک اثری بولوندیغنی افهام ایده جنک کله و تعبیر بولمقده عاجزم . ( شهوت ) ی  
( عذر فطری ) صورتنده ( زنا ) به اسباب مخففه دن کوسترمکه چالیشان ضال  
ومضل خواجه افندی ، باری ( احتیاج ) ی ده ( سرقت ) ه مدار عفو و دلیل  
مغفرت کوسترسه یدی ! .. ایشته اوزمان سوزلری افرادینی جامع بر سفسطه  
عجیبه اولوردی .

عاطف افندی دن دکل ، وسید و سندی اولان فقها دن ده دکل ، ابوحنیفه دن  
بویله بر سوز ایشیتسه م والله العظیم درحال مذهبنی ترک ایدردم .  
یا محمد ! .. ای شارع اقدس ! .. دینکاک جهل آئنده نه حالاره کیردیکنه  
البتہ روحک واققدر . امتکاک گرچکدن منور قسمی بوقاب قارا صواتلره



قارشى بيضة اسلامى الى يوم القيام مدافعه ايدى جك . بوكا الله شاهد وحياتلرم  
كفيل اولسون ...

ينه بوعاطف افنديدر كه تستره رعايت ايتمين قادينلرى ده بر زمان عجيب و مشوش  
بر مقاله سيلاه ديار كفرة تبعيد ايتك ايسته مشدى . ( تستر ) ك نسوان اسلام  
ايچون معين بر شكل و دائره ده فرض اولديغنى تصديق ايدرم . هر مأمور به  
ومنى عنه شىء ترك ويا ارتكاب ايتش اولانلر كى غير مستوره لرده آئملرلر .  
فقط بونلرك كفرينه هيچ كيمسه حكيم ايدى من . بويلاه ايكن ، قاخ درسعاملرندن  
اسكيبلى خواجه عاطف افنديك ضرر ده . هر زمان اسلامه هزار قارمقلا  
مشغول و محظوظ قلمندن قطره قطره ترشح ايتش اولان شو هر زغه افغانه  
باقيلسين :

« .. بناءً عليه ديكر فرائض قطعيه كى تستر ده فرض قطعى اولمغندن  
منكرى حدود و دائره اسلاميتدن خروج و اساسات دينيه دن ارتجاع ايله  
ارتكاب كفر ايتش اولور .. [۱] »

زنا ايله سرقت اسباب مخففه تحرى ايدن وزنا ايله سرقتى كفر صائغان  
بر آدامك تستره رعايت ايتمين قادينلرى تكفير ايتمه سنى نه اهل سنت مذهبي  
قبول ايدر ، نه مذاهب سائره .

شايقا ايله فرنك كوملكى و بويون باغنىك غرقى بكا خواجه معقول و منطقى  
دلائل ايله اثبات ايتسين . باشى آچيق او طور ان ميلونلرجه اهل ايمان ديكر  
غير مسلملردن كسوه و نمايشجه تفريق ايدى جك نه وار ؟ .. ايسته بونك ايچونلر كه  
عاطف افنديك امارات كفر ميانده ادخال ايتدىك اشيا آراسنده بونلرى ده  
كوسترمشدم . بويلاه بر فكر ده بولونما ديغنى سويلبور . شو اهتداسنى  
قبول ايدرم .

كچن مقاله مده ده ديديكيم كى ، رسم و هيكل حقنده كى مسرودات متقدمه سنى  
نصل تاويل ايله ، اهل سنت مذهبه قارشى بولونماش اولديغى و بالدين قرر تولديغنى  
كورمك ده نجه بويوك ذوق اولاجقدر .

[۱] اسكيبلى محمد عاطف ، ( احتجاج و تستر شرعى ) مقاله سنى ، ( محفل )



( حق تحلیل شارعدن ، حق افتایی فقہادن غصب ایتش ) اولدیغمی درسعام  
افندی سولپور . آکایورم که (تحلیل) و (تحريم) خصوصاً رنده عطف افندیك  
هضم ایدلش معلوماتی یوق . هر کس بیلیر که صراحتاً تحريم ایدلهش اولان  
هرشی حلالدر . مکر و هه بیلا حرام دینیهض . بزم موضوع بحثمز بر (تحريم)  
مثلاً ایسی عطف افندی اوتوز ایکی صحیفهك رساله سنده شایقانك  
حرام اولدیغی اثبات و بویکا دائر نص مبین اراءه ایتلهش ایدی که بزم سوزلرم  
شارعدن غصب ایدلش برحق تحلیل اولسون .

( حق افتا ) یه کلنجه : معین افراد طرفندن مشترکاً تصرف اولونور بویله  
برحق اسلامده بیلیمورم . ویوقدر . علمی کافی کوردیکم کون بو حقی  
فقط اباطل و خرافاتی قهر و افنا یولنده استعمال ایدرم .  
مکافیت میام حقنده کچن رمضان ( رسمی غزته ) ایله انتشار ایدن یازیلرم  
بر بحث علمی ایدی .

نصل که علوم شرقیه و غربیه هه هیمزه استاد اولاجق قادار متبحر حسین  
کلام بکک ( شیخ محسن فانی حضرتلری ) ینه عام و مدقق رفقای کرامیله  
مشترکاً وجوده کتیر مکده اولدیغی قرآن ترجمه سنده ، بزم مقدمکی استنباط  
واجتهاد نقض دکل ، تأیید ایدلشدی .

( حضرت عیسایه آچیق مکتوب ) اعتراضه کلنجه : بونک مؤداسنی  
کلامایه حق قادار غلیظ الادراک بر آدمی فاتح کی بر زمان کرچکدن بویوک  
بردارالعلوم اسلام اولان بر مؤسسهك درسعاملری آراسنده کورمک ایسته .  
مردم . اونک نامنه ادعای نسبت ایدن امتك جناب مسیحه بولاشدیر مق  
ایسته دکلری شوائب کفردن اونبی معصومی قورتاران یازیلری اخیراً کتاب  
سورنده نشر ایتدم . اوقونور و عطف افندیك رساله و مقاله لر یله قارشیلشد .  
بر بیلر سه هانکیمزك دین اسلامه خادم و نافع اولدیغمز تظاهری ایدر .

یکرمی بش سنه شک و تدقیق و ادیلرنده طولاشمش اولدیغمی بن سولشدم .  
بوصفوت اعتراف بر فضیلت ایکن معارض طرفندن عیب و عار شکلنده یوزومه  
وورولقی ایسته نیلور . شک طریقیه تحقیق و یقینه واصل اولش قایچ قایچ اولیاء الله



کوستره بیلیرم ، بن ولی الله اولمادم : فقط خالص بر مسلمان ولباس علمه  
 بورونمش جهلیه حسیبه لله عجوم ایتمکی وظیفه بیلیر بر اهل ایمان .  
 متفقہ کچینن آداملردن چوغنک ، خدمتیه صوک عصرلرده بو دین وملتہ  
 عظیم ضررلر ایقاع ایتمش اولدیغنی ایلمک انتقادیم آراسنده ذکر ایتمش وطاعتک  
 ایکی عصر مدت مملکتہ ادخال منیع ایدلایکینی مثال اولارق سویلش ایدیم .  
 بونی علما صنفنه عمومی بر تعرض عد و مقابله نده ہم منسوب بولوندیغیم ملکیه  
 قسمنکده کچیردیکنر احوال اضمه لاله حصه داروبال بولوندیغنی ادعا ایدیور .  
 ایشته عاطف افندی خواجه نک سویله دیکی یکانه دوغرو سوز ، والله اویله !..  
 اونلرک جبه سی قدر بزم ستره مزده شو جنت کبی مملکتی خراب و بیاب ایتدی .  
 بالکنر آرامزده بر فرق وار : بزباب عالی بی کندی ازلله قاپادق و ییقدق .  
 اونک انقاضنه کومولن کنناهلر عزی اوتودورمغه چالیشیورز ، خواجه عاطف  
 افندی ایسه باب عالینک همشیره سیلانی اولان باب مشیختی خورتلاقمق ایچون  
 آلدن کلدیکی وکلدیکی قادار اسراف مساعی ایتمکده در .  
 فقه اسلامه روما حقوقک قاریشمش اولدیغنی عاطف افندی انکار ایله  
 ( فقه اسلامک منشأ وضعیتی آنجق قرآن کریم ایله احادیث صحیحه در . احکام  
 فقهیه بالکنر بونلردن اخذ و اتبناط اولونمشدر . ) دیور . اصولند علامه  
 بولوندیغنی ادعا ایتدیکی فقهک درسعام افندی مکر تاریخی بیله بیلیمیورمش .  
 دیاده هیچ برفقه و شرع ، هیچ برمدیت یوقدرکه کندیسنه تقدم ایدن  
 مؤسسات مماثلله نک تأثیرندن آزاده بولونسون . اولا بیلیمورزکه - وخواجه  
 افندی ده انکار ایدمیزکه - فقهک ایلمک نوه سی نص ایله رفع وابطال ایدلمین  
 عادات جاهلیه ، یعنی بتپرست عربلرک عرف و تعاملی در .  
 حتی اسلامده منصوص اولان توارث خصوصیتده عادات جاهلیه نک پک  
 درین ایزلری کورولور . موسویلیکدن ، عیسویلیکدن دین اسلامه انتقال  
 ایتمش برچوق احکام واردر . اسلامک دائره انتشاری توسع ایتدکجه ، بو  
 دائره به داخل ویا مجاور اقوامک عرف و عادت وقانونلردن لایعدمواد ومسائل ،  
 فقه اسلامه داخل اولدی . بونلر متعارفه شکلنه کیرمش حقیقتلردر . انکار  
 ایدنه مباحثه ایله ، عناد غلیظنه تأسفله مقابله ایدیلیلر .



شیمدی درسعام اسکاییلی محمد عا طف افندی خواجهیه صورارم :  
مثلا شرکت مضاریهیه متعلق واد واحکام هانکی آیت ویا حدیثلردن  
آلتمشدر ؟ . .

مجله نك ايكنجی ماده سنی تشکيل ایدن ( برایشدن مقصد نه ایسه حکم کا  
کوره در . ) قاعده فقهیه سنك ( انما الاعمال ... ) حدیث صحیح و شریفندن  
ستنبط اولدیغنی بیلیورز . فقط ، مثلا ( حاضرده کی وصف لغو و غائبده کی  
وصف معتبردر . ) حکمی متضمن بولونان آلتش بشنجی ماده نك هانکی آیت  
ویا حدیثك منطوق ویا مضمونندن مأخوذ بولوندیغنی محمد عا طف افندی خواجه  
صراحة کوستره بیلیرمی ؟ . نص ایله ممنوع بولونان فائض بیله ( دور شرعی )  
ویا ( بیع بالوفا ) کی ناملره بورونه رك فقه اسلامه داخل اولدی .  
ینه مجله نك مثلا ( مکاتبه مخاطبه کی در . ) ماده سنك ماخذاجتهاد هانکی  
آیت وحدیثدر ؟ . فقه اسلام ، زمانك تغیر یله احکامك ده تبدیل ایده جگنی  
علنا سویلرکن ، متفقه اولدیغنی ادعا ایدن برآدامه بوکی قطعی حکملر و محدود  
و مجروح دعوالر یا قیشماز .

بزده ممنوع ویا مستحسن بدعت یوقدر ؛ آئی ویا کوتو وار . کوتو اولان  
شیء ایستر مکه مکرمه دن ، کلشین ؛ ایستر مدینه منوره دن ، مهدوددر . آئی  
ایسه موردی لوندره ، پارس ، پکین نره سی اولورسه اولسون ، نزد اسلامده  
تلقی بالقبول اولونور . بر شیئك حسن وقبحنی ارائه ایده جك کندی ماهیتی در ؛  
فتوی کتابلری دکل . فقهك کرک روما قانونلرینه ، کرک شرایع دیگره  
توافق ایدن اقسامی ، خواجه افندی نك بر احتمال صورتنده در میان ایتدیکی وجهله ،  
یالکنز عقل سلیمدن نشئت ایتمیور . بر بریدن مقتبسدر . نصل که آوروپانك  
بوکونکو مؤسسات قانونیه سننده فقه اسلامدن آلتش بزچوق مواد واحکام  
موجود بولونیور .

محمد عا طف افندی نك جوابنامه سی سوء خانمه ایله قاپانیور . دیور که :  
« . . . فاتح جامع شریفنده مسلمانلرک بر » یاتسو نمازی قیلدیغنی تماشا  
« ایدرکن پیهرلوتینك ( آه ! . . . مسلمان اولیان و بوشکاده ذوق عبادتن  
« محروم بولونان هرا انسان سفیلدر ) دیبه ایراد ایلدیکی شو بلیغ سوزی  
« انطاق حق قیلندن اولارق ، نقل ایلین سلیمان نظیف بکک لهنده دکلدر .



«بوجیزمك افاده ایلدیكى ( ذوق عبادتدن محروم بولونان سفلان ) میاننده  
 «بولونمادیغنى ادعا و یو ادعاسنى توثیق ایدم بیلیرمی ؟...»  
 هرکسى تکفیر ایتك مرضى بر اعتیادی اولان درسعام افندیك بو  
 سؤالی بنی متحیر دکل ، متنفر ایتدی .

عاطف افندی دنیا ده بنم یوزمی ایکی کره کورمشدر . بنم نماز قیلوب  
 قیلما دیغنى نه دن بیلیر ؟ بن اونك نماز قیلدیغنى اصلا کورمه مش ، ( کلمه  
 شهادت ) ی - کندی تعبیر نهجه - بر کره اولسون سویلادیکنی ایشیتمه مش ،  
 چه کیتمدیکنی بیلیر و زکات و بروب و یرمدیکنه علمم غیر لاحق ایکن ،  
 یتنه مسلمان اولدیغنده شبهه یوقدر . اونى تکفیر ایتك خاطرمدن کچمدی .  
 او خالص مسلمان ، فقط تعصبيله و قیاس فقها دن چیقاردیغى سفسطه لرله دین  
 مبیننه فائده سز و مضر بر صاحب ایماندر . بک کانجه : قصورمی ، کناهلر می  
 دائماً اعتراف ایله ، اللهم عفو و غفراننه التجا ایدرم . حیاتك اك کوزل  
 دملری الله متوجه و ساجد اولدیغى دقیقه لردر . بو ذوق لاهوتی بی دائماً  
 استحصال ایدمه مکله برابر ، اوندن لله الحمد بوسبوتون محروم ده دکل .  
 بوندن صو کره کی سوزلرم دو قنور مظهر عثمان بکه در :  
 استاد ،

فاتح جامع شریفنده و اسکلیلی محمد عاطف نامنده بر درسعام خروج  
 ایتش . هر شیئه و هر کسه کفر اسناد ایدیور . قادین ، ارکک ، بر  
 فرد ، مباح و مستحب ، بر عمل قالمادی که بونك سله تکفیرینه او غرامامش  
 اولسون . سزدن آلدیغى فیض و عرفان ایله ، بن بو آدامك خسته اولدیغنى  
 آکلادم . و خسته لغنى تشخیص ایله آدینی راء التکفیر قویدم . او قادار  
 صالحین بر خسته لق که مثلا خواجه افندی بعدالوفات یر یوزنده کی اعمالنه دائر  
 بر خطاب و سؤال عزت واقع اولسه ، شو جوابی جناب حقه عرض ایدم چک :  
 — یاربى !... کندیغنى بیلدیگمدن بورایه کادیکم کونه قادار ، یر یوزنده نه قادار  
 مسلمان وارایسه هپسنى قیاس فقها دن چیقاردیغى دلائل سایه سندد تکفیر ایتدم . او بر  
 دنیا دن تک مسلمان اولارق بن کلیورم .

سلیمان نظیف

نعوذ بالله !...







فیثاتی ۱۵ غروش

DR590  
S85  
1926